



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

28 g Simon vnd Judas zwölfbotten.

**urn:nbn:de:hbz:466:1-41449**

Item der H. Junckfrawen Nictrudis/welliche auch am 12. tag May gesetzt ist.

Item die erfindung des leibs S. Vincentij des Leuiten vnd Marteners/ von welchem oben am 22. Tag Jenners weyter.

Item an dem Ort Marcinas genant/ der H. Nictrudis/sampt ihrer Tochter Eusebia.

Item zu Blandinto die ankunfft des Leibs der H. Junckfrawen Amelberge.

Item zu Bericht des H. bischoffs vnnnd beichtigers Amandi/ der an dem Tag Bischoff geordnet / des Leib auch an ein ander ort gefürt sein soll. Gott hat sein leben vnd tod mit wunderzaihen/scheinbar vnd durchlechtig gemacht. Von jm weiter am 6. Hontungs/vnd am 17. tag Wintermonats.

Luce 6.  
Actoz. 1.

g v. Calendas Nouembris.

Der XXVIII. Tag im Weinmo.

**B**est ist das Fest vnnnd Geburtstag der heyligen/ fürtrefflichen vnnnd ehrwürdigen Aposteln / Simonis Cananei/ der auch Zelotes genant/ vnnnd Thadei/ wellicher auch Judas genant wirdt. Diese waren zwen Brüder / vnnnd Maria Cleophe Sün. Nach der Apostel thailung prediget Judas Christus inn Mesopotamia vnd Ponto. Simon aber prediget das Euangelium inn Egypten / kamen darnach hand inn Persien/ beköhreten vnnnd tauffeten innerhalb eines jars den König Xerren / vnnnd vber sechs tausent vnnnd sechzig Mann/ ohn Weib vnd Kinder/ kamen endlich gen Sanir/ köhreten ein bey einem Christen/ mit Namen



men Sennen/ warden sampt ihrem Wirth auß anstiftung der Zauberer Zoro und Arpharat/ von den Abgöttischen Pfaffen umbbrachte/ vñ von dem König Xerxes gen Babyloniam geführt/ der inen ein herrliche schöne Kirchen bawen ließ.

Item zu Rom der H. Junckfrawen vnd marterin Cyrille/ die ein Tochter war des Tyrannischen Kayfers Decij/ ist vnder dem Kayser Claudio vmb Christi willen enthaupt worden.

Anno Dñi  
266.

Item in der Statt Meldis des hailigen Bischoffs vnd Beichtigers Faronis/ welcher ein Pfaltzgraf war in Franckreich/ ist vonn seiner Schwester Fara zu Christo beköhret/ ist auch zu verschmehung der Welt gebracht worden. Sein Weib Blidechilda ward mit dem hayligen Weyhl geweiht/ daß sie Christo zu ehren ein raites keusche leben fürete/ vnd er nach seinem Bruder Walberto/ ist Bischoff zu Meldis erwölt worden/ erledigt auff ein zeit die gefangnen wunderbarlich/ vnd verschied im feiden/ da er sein Kirchen 66. jar in grosser hayligkeit regiert het.

Anno Dñi  
530.

Item des H. beichtigers Chillemi/ welcher ein geborner Schott war/ vnd ist von gemeltem Farone in die Aterebatish Landschaft geschickt worden/ hat dieselb mit seiner gesunden Lehr vñnd Wunderzaichen Christo gewonnen.

Item in der Statt Comum des H. marterers Fidelis/ welcher der grausamen verfolgung des blütgirigen Kayfers Maximiani zu entweichen hinweg flohe/ vñnd auff dem weg vonn den Gottlosen ergriffen/ jedoch den Götzen zuopffern sich widerte/ vnd vmb Christi willen/ daselbst enthaupt ward.

Item zu Paris die erhebung der hayligen Junckfrawen:

Es

frawen:



frauen Genofeue/deren leib geehret wirdt in S. Peters vnd Paulus Kloster auff dem Berg zu Paris/ von welcher oben am 3. tag Jenners weiter.

Item zu Metz die begräbnuß des H. bischoffs vnd beichtigers Terentij.

Item die begräbnuß des H. Münchs Dodonis/ der ein jünger war S. Vithmari des bischoffs.

Item die erhebung der H. Junckfrawen vnd marterin Cunere/ auß S. Bisule gesellschaft/ welche erhebung geschehen ist durch S. Wilibrordum Bischoff zu Brich. Von ihr ist am 18. Tag Brachmonats weiter gemelt.

Anno Dñi  
700.

Item zu Lüttich S. Lamberts/ des H. marterers Kirche weyhung im sechsten Jar des Bisthums Baldrici/ von dem H. Erzbischoff zu Eöln Herbercto geschehen.

Item zu Werzel in Bemonde des H. Bischoffs vnd marterers Honorati/ so ein jünger vnd nachkommer war des H. Eusebij/ daselbst bischoffs vnd marterers gewesen. Hat auch wider die Arianische Ketzerey mit seinem Meyster embsigklich gekempffet/ vnd darumb allerley verfolgung erliden/ wirdt auch von etlichen am nächstfolgenden tag gesehet.

Item der achte Tag der H. Königin Bisule/ vnd ihrer H. Gesellschaft der ailttausent Junckfrawen.

A    iiij. Calend. Nouembris.

Der XXIX. tag im Weinmonat.

**Z**u Jerusalem ist heut der Geburtstag des H. bischoffs vnd Patriarchen Narcisi/ welcher nicht allein